

SAMOA

Faatulagaina o Aiaiga

1. Igoa puupuu ma le amataga
2. Faamatalaina o uiga o upu
3. O le fuaitau 'tausitusi faamauina' ia suia ai le 'tausitusi o tagata lautele'
4. Faaaogāina lē talafeagai o fuaitau o lo o atagia mai ai le tulaga o se sui auai o le Inisetiute
5. Aiaiga faasaoina ma aiaiga tau soloaiga

2013, Nu. 4

O SE TULAFONO e teuteu ai le Tulafono o le Inisetiute o Tausitusi a Samoa 2006 (i totonu o lenei Tulafono ua taua o le "Tulafono Autu") e faasino i le faaaogāina o le fuaitau "tausitusi faamauina" ma faamoemoega e fesootai i ai. *[30 Ianuari 2013]*

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o le Inisetiute o Tausitusi a Samoa 2013.

(2) O lenei Tulafono e amata faamamaluina i le aso e tuuina i ai le maliega a Le Ao o le Malo.

2. Faamatalaina o uiga o upu - I totonu o le fuaiupu 2 o le Tulafono Autu ia suia:

- (a) “tausitusi o tagata lautele” o i totonu o le faamatalaga o le “Sui auai” i le “tausitusi faamauina”; ma
- (b) le faamatalaga o le “Tausitusi o tagata lautele” ma le faasinomaga i le “tausitusi o tagata lautele” i totonu o lea faamatalaga i le “Tausitusi faamauina” ma e ala i le faaoifiina i ai o lea faamatalaga i le faasologa sao o le pi faitau faa-Peretania; ma
- (c) “tausitusi o tagata lautele” i le “tausitusi faamauina” i totonu o le faamatalaga o le “Tausitusi o tagata lautele”; ma
- (d) “tausitusi o tagata lautele” i le “tausitusi faamauina” i totonu o le faamatalaga o le “Sosaiete”.

3. O le fuaitau ‘tausitusi faamauina’ ia suia ai le ‘tausitusi o tagata lautele’ - I totonu o le Tulafono Autu, ia suia le “tausitusi o tagata lautele” i le “tausitusi faamauina” i totonu o le:

- (a) fuaiupu 14(1)(b) ma le (d); ma
- (b) fuaiupu 15(1); ma
- (c) fuaiupu 17; ma
- (d) fuaiupu 19; ma
- (e) le Faamatalaga.

4. Faaaogāina lē talafeagai o fuaitau o lo o atagia mai ai le tulaga o se sui auai o le Inisetiute - I totonu o le fuaiupu 14(1)(d) o le Tulafono Autu ia suia mataitusi amata ““PA””, ““PA(PP)””, ““FPA””, ““FPA(PP)”” i le ““CA””, ““CA(PP)””, ““FCA””, ““FCA(PP)””, i lea lava faasologa.

5. Aiaiga faasaoina ma aiaiga tau soloaiga-(1) So o se tagata o galue e avea o se “tausitusi o tagata lautele” i lalo o le Tulafono Autu e faatatauina o se “tausitusi faamauina” i le aso e amata faamamaluina ai o lenei Tulafono.

(2) So o se tagata o faaaogāina mataitusi amata “PA”, “PA(PP)”, “FPA” ma le “FPA(PP)” i lalo o le Tulafono Autu, ua faatatauina i le amata faamamaluina o lenei Tulafono, e faapea ua faaaogāina o mataitusi amata “CA”, “CA(PP)”, “FCA” ma le “FCA(PP)”, i lea lava faasologa.

(3) O se faasinomaga i totonu o se tulafono, pepa faamaonia po o se pepa aloaia i:

- (a) “tausitusi o tagata lautele” ua faatatauina o se faasinomaga i “tausitusi faamauina”; ma
- (b) o mataitusi amata “PA”, “PA(PP)”, “FPA” ma le “FPA(PP)” ua faatatauina o se faasinomaga i mataitusi amata “CA”, “CA(PP)”, “FCA” ma le “FCA(PP)”, i lea lava faasologa.

**O le Tulafono o Teuteuga o le Tulafono o le Inisetiute o Tausitusi
a Samoa 2013 o lo o faafoeina e le Matagaluega o Tupe.**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**